

三十三冊  
卷之三十三  
句一編二

下筆





林下筆記卷之三十二

旬一編目錄二

內閣玉堂臨講振文風傳教

王世子冊禮聯句

南壇祈雨祭還宮時不備採傘

御容模寫時請朝臣酌事者入殿

致仕文衡牌拓

奉常寺郎廳白辟之始

古之諸學

多子







林下筆記卷之三十二

旬一編目錄二

內閣玉堂臨講振文風傳教

王世子冊禮聯句

南壇祈雨祭還宮時不脩涼傘

御容摸寫時請朝臣解事者入祭

致仕文衡牌招

奉常寺郎廳自辟之始

古之譜學

多子



萱堂

父在封母不稱太

一產三男有賞

顯考廟

世父母

繼室側室之誤

門子之稱

竹石芭西爭門閤

論西堂文

節酒



紫霞盃

侈風之盛

乞寢折字巾造進

純陽巾

製文不改

次韻敏速

避橫財

火砲火槍

馬褂缺襟袍戰裙

假面



銅面將軍

關西徵兵

眼鏡

水晶

壯元郎鏡

俞氏山石物

量田之法

望海亭

鴈丸

五國城得宋錢



北関古蹟

寧古塔

交易時出来人数

白頭山

天島

渾河

澄海樓玩月

安市城更考

遼東觀日出

遼東白塔



長興洞古蹟

慶壽宴

九世回甲

會賢洞

南酒北餅

私家丹腹

芹東竹西

報恩綴洞

七松亭

南石橋



上黨山城

黔芝山

多義峴

溫祚王廟

枕戈亭

李拜峴

笠洞李忠靖舊宅

維楊祈雨壇

望月亭

正陽寺藏經

靖蛉國

羅尺洞記異

文星洞

方斗泉

娑羅樹碑

僧伽寺碑考

朝宗碑

古竹洞

白簪塚

席破嶺



壽春樂府

聞韶閣詩牌

三如塔

天摩山龍

御臨松

十三世植檀

三世南草樹

涓城雜記

東京水晶

楮產

黑櫻桃

金光草

採洞

內藏柿

秋海棠

紅豆

月沙梅

並蒂桃

先賢愛柿

蘭草



秋牡丹

高僧梅

白茶花

白牡丹

青海牡丹

針魚

斗湖鰐魚

梁浪七魚

湖南四種

瑞麥圖

鼓子花

永嘉梅

農書蠶種詩

葵葉箋

葵花燭

水仙花

甘藷

歲寒三友

本草

西瓜



啖柿異規





林下筆記卷之三十二

月城李裕元景春輯

旬一編

內閣玉堂臨講振文風傳教

正廟臨內閣教曰修身大法小學書脩矣義理精微  
近思錄詳之願今舉世之人無端厥趨向之心無涖  
厲濯磨之效以至規模之大節目之詳初不研究凡  
屬文字之事視如芭籬邊物經筵之資益之望黌舍  
絕絃誦之聲予方反躬自訟之不暇而夷考其故則  
上下之間必有所以致之之由矣卿等皆以端方之

士既登咫尺之筵若無一言而退則不但自愧於心  
豈可傳示於後也今日所以振文風而治道之要可  
得以聞歟領事徐命善李徽之等進曰苟能激濁揚  
清使人人咸知不文者為可恥而能文者為可貴則  
絃誦之聲不斷於賢闕之中文學之士輩出於京鄉  
之間此在殿下轉移間伏願深留聖意為弘文館  
親臨會講教曰三代以後教人之說愈久愈多千歧  
百派各立其見俗學蒙陋實有迷所適之歎降自近  
世學者便以窮理之工看作別般技藝經學與科目  
分為兩條門路科目從事者視經籍為弁髦舉世有



面牆之歎此豈非衰世之事乎徐命善等翌日進箋  
稱謝今上幸未臨講內閣玉堂時余乃考見辛丑日  
記謹錄之

王世子冊禮聯句

正廟甲辰八月初二日行文孝世子冊禮上親製七  
言律詩上下兩句以示志喜之意仍命大臣閣臣承  
旨賓客春坊都監堂上正副使聯句以進曰吾家大

慶每今年

御製

金尺洪圖萬世傳列祖深仁基業厚

府領

事金

尚詰皇穹垂佑本支綿唐堯瑞甲回新籥

頌議政干  
鄭存謙車

帝樞星耀舊躔丹棗奇徵方驗古

判府事

徐命善黃華曜

又付前怡愉喜氣融三殿判府事李徽之蹈舞歡聲動八埏

天意可占生質異判府事洪樂性人心已繫定名先官緣輔

養瞻光屢左議政李福源位忝賓僚覲德專海潤河清謠頌

盛原任提學黃景源禮成樂脩節文全周邦爪哇徵岐疑原任

提學徐命膺夏啓謠歌識敬賢日表溫文欣風就提學金鍾秀

尺衣端穆仰齋虔龍樓繞彩開宸笑提學吳鶴禁橫載純

經侍胄筵早諭身先三善教原任直提學徐浩修廣恩徭許一

年蠲七章服進輿情眷直提學鄭志儉貳極門開寶丹宣青

邸近休承出震檢校直提學徐有防朱陽緇照協重乾需雲同

樂均霑渥直提學朴祐源岳牧齊歡各奉箋日午重熙瞻寶



額原任直閣金宇鎮春回八彩擁祥烟陽和普澤覃編戶原

直閣金戴璫金保傳新書講細氈鄴近流虹騰萃祝檢校直閣徐龍

輔綸頒貽燕誦周篇宮壺拜賜恩濡首檢校直閣鄭東浚班

筠環瞻喜簪肩千一史應書簡冊待教李四重詩合

載笙絃賁成縟禮呈鰲原任待教尹行忠蒙養新工在燕

涓率土晉歡爭祝斗承旨宋自天申錫又如川仁聲

及遠咸顯若承旨李樂典遵先復煥然化景初舒遲

午漏承旨李休徵方在驗秋田天成睿表如升旭承

李時日就新知譬言達泉星會兩行齊聲并承旨趙雲

成五彩護青經傳臚禮舉三呼動賓客徐志喜歌賡

百韻聯恭進寶圭承拜跪春坊李齊鳴玉佩脩周旋

今朝狀觀爭眸拭春坊權儼三載同祈幾頸延瑞電初凝

復鳳闕春坊李祖承祥風徐拂五花甌欣均左海歌無競

春坊李諫樹壽獻南山頌不騫蒼皞象輝排陞仗春坊徐有成

明禹叶律奏庭懸歡情此日同躋躋春坊林濟遠和氣如

春及肖蛻睿德新摸文賁竹春坊李集斗鴻名肇錫譜添

璿元知是禮三王自春坊沈晉賢咸曰吾邦萬事圓雷肆

末班榮亦極春坊鄭東觀緋衣副介寵仍偏初貽哲命進

函奉副使金履素上報洪庥五丹鐫郅屈中元辰既吉監都

堂上金福膺皇極慶相連將傳醒主心精一部監堂

魯鎮



協

可卜宗祚業萬千物色正當秋有實

都監堂上鄭一祥

工

歌相與樂無邊衢謠可但民情見

都監堂上徐有寧

是日晴

明又識天

南壇祈雨祭還宮時不脩涼傘

正廟壬寅五月行祈雨祭於南壇還宮時御步輦不脩涼傘大臣請法駕上曰為民祈雨不得雨而還予實無對民之顏何必脩法駕而御涼傘乎終不允翌日遂雨

御容摸寫時請朝臣解繪事者入衆

肅廟影幀摸寫時相臣金退憂壽興以金竹泉鎮圭

之素解傳神請起復進祭正廟辛丑圖寫御真也徐  
桐原命善以前正言鄭喆祿旁通繪事頗有精思又  
請入祭茲後朝士雖有解事者不許入祭嚴防限也

致仕文衡牌招

正廟辛丑命衡園政院請牌招前大提學徐命膺以  
致仕人仰稟上問于諸大臣金尚喆曰文苑薦剡與  
官職膺命有異況且逆前會園時致仕前文衡旣無  
應頌之例則前文衡牌招有不可已矣鄭存謙曰文  
衡薦望之時必也前大提學薦進者即是文苑故事  
而致仕前文衡又無應頌之前例則只當遵文苑可



據之故事矣李徽之曰文衡與奉朝賀俱是國朝稀  
有之官故雖無致仕人之的當薦進文衡之事亦無  
致仕人不可當薦之可據前例則文苑故事必以前  
大提學薦望此是流來不易之故規既是前大提學  
則依例牌招實合古事矣上命牌招前大提學三牌  
不進特命受薦于原任文衡判府李徽之

奉常寺郎廳自辟之始

正廟壬寅奉常提調金文溥啓言本寺郎廳負數雖  
多反有推諉之舉請依米布各司自辟郎廳例六品  
一窠無論文之曾經侍從蔭之已試守宰極擇自辟

專意久任祭需封進之節負物檢察之方使之主管  
舉行則庶責其成效徐公命善曰太常本是文職從  
前無蔭官差出之規今不可創開而文官中無論已  
通清未通清依兵曹軍色郎廳例不許數遷差祭則  
懸頃使之專意句管俾盡矯救之方

### 古之譜學

鄭樵通志譜系凡六種一百七十部至馬端臨文獻  
通考所存者不過數家矣蓋五代以後不崇門閥故  
此學遂不復講又可以見各朝風尚不同矣曩剛類  
例凡甲門為右姓周建德氏族以四海通望為右姓



隋以上品茂姓為右姓貞觀氏族志凡第一等為右姓路氏著姓略以盛門為右姓柳冲姓族系錄凡四海望為右姓東國之甲族望族右族之稱始於此

### 多子

史記秦繆公子四十人田常子七十餘人田嬰子四十餘人漢書中山王勝好內有子百二十餘人晉載記姚弋仲有子四十二人宋書孝武子二十八人胡藩子六十人梁書鄱陽王恢男女百人封侯者三十人陳書宣帝子四十二人北史吐谷渾有子六十人馮跋有子百餘人馮盎子三十人李遷哲妾媵百

數男女六十九人緣漢十里間第宅相次姬妾之有  
子者分處其中遷哲鳴笛導從往來其間子孫參見  
或忘其名披簿以審之唐書邠王守禮有子六十餘  
人棣王琰五十五子延王珍三十六子靖恭太子琬  
男女五十八人李林甫子女各二十五人宋史錢昱  
生子百數王弇州望明盛事慶成王九十九子我國  
恭靖王十五男八女恭定王八男十三女莊憲王十  
八男康靖王十五男十二女恭僖王九男十一女昭  
敬王十四男十一女朝臣中雖多男人無如此數



俗謂母為萱堂蓋因詩為得萱草言樹之背注云背  
北堂也古人寢室之制前堂後室其由室而之內寢  
有側階即所謂北堂也後人因以北堂為母而東人  
稱母為萱堂萱室闡尤盛行耳

父在封母不稱太

晉天福五年中書舍人艾穎八年尚書司門郎中尹  
偁皆父在母封縣君不加太字云蓋由子封母固宜  
加太而父在母不稱太亦情理之當然也東國父在  
則雖秩高人不得尊母為太夫人者不尸祀故也父  
不在而封父則母自當從夫職始以加太

一產生三男有賞

中州一產三男者照例給賞此本古制也國語句賤時民間生三男者公與之母註乳母也此其始也漢以後遵而行之東國此事恒有無年無之甚至有生四男者余之所見柳文亦有賀啓

顯考廟

祭法王立七廟曰考廟則父也曰王考廟則祖也曰皇考廟則曾祖也曰顯考廟則高祖也古人皆以高祖為顯考檀弓去顯考乃埋之疏顯考高祖也以顯考為父則起於有元之世時以皇字為君上尊稱遂



皇字後易以故字  
家禮舊本有之故  
字後改以顯字

易為顯考然葉石林云漢儀宣帝父稱羣臣初請謚  
為悼太子魏相以為宜尊稱曰皇考自是皇考遂為  
尊號之稱非後世所得通用石林之言如此則似宋  
時已無稱父為皇考之例矣東國四世皆有顯字至  
父位不嫌古文之觸於高祖蓋各稱其位而曰考曰  
祖考曰曾祖考曰高祖考則不必以皇字王字等字  
辨別之

### 世父母

今人謂伯父母叔父母皆曰世父母按鄭康成云世  
父伯父也賈疏伯父言世者其繼世者也邢昺亦曰

繼世以適長先生於父則繼世者也然則世父專指  
繼世之伯父猶國君適子之稱世子也今之用文世  
父通稱于叔父母非也

繼室側室之誤

世以續娶之妻為繼室非也左傳惠公元妃孟子卒  
繼室聲子生隱公若繼室即妻則隱公當立無疑矣  
何必始終稱攝欲俟桓公長而立之杜預註聲子蓋  
孟子之姪娣也諸侯始娶則同姓之國以娣姪媵元  
妃死則次妃攝治內事猶不得稱夫人故謂之繼室  
也據此則繼室乃長妾之攝內事者耳非續娶之妻



也側室者衆子也卿有衆子得立此官以處之也然則側室乃嫡子外之衆子非必妾所生者也即嫡母所生之第二子亦側室也側室之稱係乎子不係乎母也東國無此別後娶曰繼室而不曰副室副室古之二夫人今人之以妾稱副室非也愚謂側室似是媵妾之列然則繼室側室一也先賢作人墓道良家女所生書之以側出妓妾所生書之以賤出其昆季俱伏稱改竟不聽近則無賤出二字從厚也按如夫人者桓公內嬖有如夫人者六人是也漢以後小妻傍妻下妻少妻庶妻皆妾之稱也

門子之稱

左傳戲之盟鄭六卿及其大夫門子皆從鄭伯杜註  
門子卿之嫡子也蓋古時王之子弟曰國子卿大夫  
之子弟曰門子也國語註門子大夫適子周禮曰其  
正室謂之門子余作人墓道書門子二字其人大愾  
之認之以卑也清國門子下役故也乃攷二字之來  
歷以視之

竹石琵琶西爭門閥

竹石徐公三世文衡琵琶西李公三世監役互爭門閥  
文衡行公之職也監役不仕之人也所以清望歸於



邕西凡士大夫處世以恬退為高者三世不仕難行之事也人之為言誠無恆矣

### 論西堂文

西堂李公制人墓文屢百度經山公嘗曰其祀孫玄五為原判也我為道伯取見其文乃布帛敍粟之文而便不新新束之高閣及為文任做人墓道復為卷舒則凡用筆處加一分不得減一分不得始知其文章之高一等也余暮景尤覺公言之得其燕境也

### 節酒

西堂好文不飲酒嘗造醴酒名曰節酒樽節之義也

四十日始熟飲之微醺可趣不及亂余取其方欲釀之恨無朝雲弄茶之手也

紫霞杯

此杯之藥配合造化調理陰陽奪天地冲和之氣得水火既濟之方不冷不熱不緩不急有延年却老之功脫胎幻骨之妙大能清上補下升降陰陽通九竅殺九蟲悅容貌解頭風身體輕健臟腑和同開腦膈化痰涎明目潤膚添精安神又治婦人血海虛冷赤白帶下惟孕婦不可服其餘男婦老少清晨溫服三兩杯百病皆除無出此方用久若破碎每取盃藥一



分研入酒中仍佳太和堂朱尊古

凡用杯者必以淨手挫磨良久俟杯稍熱再以溫酒潤之後酌煖酒取飲則味行香生清芳幽遠妙不盡述不然杯寒酒滾猛一酌之不惟異味不出且恐杯有損傷須書慎之

### 侈風之盛

禮五十者非帛不煖儉者雖五十不着帛雲石趙公位上卿猶着木綿袴一日水污借其伯氏忠敬公袴乃紬製也公仍着之曰輕煖莫如此也近日紬衣堂上官無矣富舉皆着之至有白色紗作衫余於灣府

不見猩羶褥屬令則爛熳於世不過是二十年間事也

乞寢折字中造進

純祖初年命尚方造冠稍變其制加紉飾為中官急從院吏院吏屢告於尚衣提調楓臬金公金公取見單子不書翼善冠以折字中書之公陳疏曰衣冠之於人身所關莫大士大夫冠則告於朝天子冠則書於策命之曰元服元者上也大也物之上且大者惟天是已首之庇一身猶天地覆萬物故王者之所嚴尤莫盛於元服自五帝三王下至皇明暨我東方歷



代逮于本朝雖所尚各異為俗不同沿革損益不一其規要之一代之飾皆有一定之式不敢輕加變改雖復不得已至於變改當日之君臣上下博詢廣考先定其制度布告臣民而後用之未或無故造次而忽有變制如今日之為也傳曰非先王之法言不言非先王之法服不服所謂折字之中臣等非但不識其何狀亦復不知其所自出

純陽中

漢陰先生造純陽中遂於人資完中逍遙古之名碩雖從改意在山林見野人服非但自好亦勸人成就

其操誠卓然

製文不改

墓道之文過詡則曰誣也其重如此經山鄭公凡於  
文字之後善於虛受立改病處荷居李公成一墓文  
請改不許其規模雖殊立論處鄭公亦不許重其誣  
而相愛之深也李公其太鄭公行才其所當行止才  
其所不當吾從鄭公

次韻敏速

經山鄭公奉使將行閣僚郊餞故事也時埤竊朴公  
適有眉腫不得赴會製送一詩鄭公於急擾中立評



次韻題之幅本朴公見而大驚曰其敏速吾所不及  
余少時在傍得見一幅折簡先道寒暄次道惜別尾  
步其韻乃一筆揮灑者也事在四十餘年其時不能  
盡記但憶初句眉翁眉腫未差完之語朴公表字省  
皓故云

避橫財

安靖獻光直微時甚貧窮母夫人見廳底有埋銀還  
覆之一日天寒食屢空每念及於廳底既而思之曰  
取之不祥即日賣家不置意後家大起外孫出王妃  
安氏之福實肇於此東坡曰橫得千金不有大福必

有大禍凡橫財大災也士大夫家享福者以余所見  
蔭官之財與市井之貲俱有積累稍見長遠之效而  
舉不及農家之勤力也

### 火砲火槍

按明史兵志火箭條內永樂征交趾得神機槍礮法  
特置神機營習之大者用車次及小者用架用椿用  
托所謂用車者即今之火砲也用架用椿者蓋即今  
之鳥機也其用托者蓋即今之鳥槍也是鳥槍之制  
永樂中已有之然不傳於外永樂二十年雖從張輔  
請置砲於大同等關以禦敵然利器不示人朝廷每



慎惜之宣德中又敕宣府總兵譚廣謂神銃國家所重以壯軍威勿輕給正統六年邊將黃真立神銃局於宣府帝猶以火咒外造恐傳習漏泄特敕止之是正統以前烏槍未嘗傳習於外直至嘉靖以後始用之於營伍耳

馬褂缺襟袍戰裙

凡扈從及出使皆服短褂缺襟袍及戰裙短褂亦曰馬褂馬上所服也韃即右半臂之制說文無袂衣謂之褙既曰半臂則其袖必及臂之半正如今之馬褂其無袖者乃謂之背子也曾三異同話錄云近歲衣

制有一種長不過腰兩袖僅掩肘以帛為之仍用夾裏名曰貉袖起於御馬院圍人短前後襟者坐鞍上不妨脫着以其便於控馭此又宋人短袷之制隋文帝征遼詔武官服缺胯襖子三品以上皆紫唐書高祖武德元年詔諸衛將軍每至十月一日皆服缺胯襖子是缺襟之制亦起於隋唐時至戰裙之始按國語邠之戰卻至於赫韋之跗注三肅楚平王註跗注者兵服自腰以下注於跗則今之戰裙蓋本此也邠之戰屈蕩逐趙旃得其甲裳又裙之有甲者耳東人所着快子袴子之屬猶馬褂子牽夫所着短同衣猶



缺襟袍至於戰裙今新頒軍檢所著膝甲是也按江浙人兩行着釘鞢明史百官入朝遇雨皆蹣釘鞢聲徹殿陛東國油鞋油靴即其制也

### 假面

假面蓋起於周禮方相氏黃金四目以逐鬼後漢書禮儀志有大儻之儀以木面數為儻其濫觴也高齊蘭陵王長恭着假面與周師戰於金塘齊人壯之為蘭陵舞宋狄青每戰帶鐵面具以鐵為之者軍旅所用也東國有山棚戲幢絙戲皆以木槿三南多有之古者迎勅時列於路左又有衣白像婦人之儀於門

前今皆無

銅面將軍

辛未松林之後尹節度郁烈以威從軍駐安州之百  
祥樓時昇平日久士卒莫有鬪志節度飲斗酒枕闌  
熟睡軍心稍安曰將軍臨戰獨無懼乎戰非死地也  
鷄鳴一蹴渡江士皆要勇大捷焉賊呼之曰銅面將  
軍

關西徵兵

景來初起也關西徵兵無應之者節度使啓曰三日  
徵兵一無應之趙北海以牧使親冒矢石循城按撫



賴以得保時武科人當日并至稍振軍勢云

### 眼鏡

古未有眼鏡至有明始有之本來自西域張靖之方  
州雜錄云向在京師於指揮胡龍寓見其父宗伯公  
所得宣廟賜物如錢大者二形色絕似雲母石而質  
甚薄以金相輪郭而紐之合則為一歧則為二如市  
中等子面老人目昏不辨細書張此物加于雙目字  
明大加倍按其來自番舶滿加刺國賈胡名曰愛速  
云則此物在明時極為貴重或須自內府或購之賈  
胡非有力者不能得今則遍天下劉跂暇日記史沅

斷獄所水精十數種以入初不喻既而知案牘故暗者以水晶承日照之則見是宋時已知水晶能照物但未知作鏡也

### 水晶

政和間伊陽太和山崩出水晶劉貢父云多年老冰為水晶者誤也日本有青水晶紅水晶此卽瑛證非冰之說也今水晶出於閩之漳州其用遍天下又夷堅志水精出信州靈山以大為貴而漳州所產白者最多茶色曰茶晶墨色曰墨晶又有淺紫深紫而綠色尤貴皆生於山初不水產也土人云山中產晶則



其地先有氣如烟尋而掘之往往得晶其產無常處  
有產晶久而掘空者有素不產而忽生者別有一種  
髮晶晶中有髮縷縷可數或以為髮落水中遇水結  
成然漳晶生於山並非水衝激而成也燕人以天下  
第一奇品謂之高麗東京石東京即慶州也

壯元郎鏡

徐石淙有薰木科其大人篠齋公在灣府封一鏡書  
之曰壯元郎開見石淙不開封深藏之曰壯元日當  
開十年不照他鏡丁酉庭試壯元始開封見鏡其執  
心不可及

俞氏山石物

揚州妙寂山下車踰嶺北有俞氏山世瑩也石物之  
盛最於境內神道碑五座列於洞口墓前多立石碑  
刻諸賢所贈詩幾篇書之者又是名賢各書一篇諸  
體俱備詩語舉有平日樽酒唱酬之事墓庭刻立詩  
章初見也盛儀也余亦於壽藏刻朴坦齋鄭經山申  
紫霞詩蓋倣此也

量田之法

量田之法廣百尺長百尺相乘地積萬尺是為一畝  
田結一結以八五降乘為八千五百尺是為二畝田



結八十五負以七降乘為七千尺是為三等田結七十負以五降乘為五千五百尺是為四等田結五十負以四降乘為四千尺是為五等田結四十負以二五降乘為二千五百尺是為六等田結二十五負此外則為續田俗稱抱川牛價實是續田結價而訛傳云

### 望海亭

正廟幸顯隆園設舟橋於露梁津建龍驤鳳翥亭即舊望海亭也申紫霞詩曰舟橋偃蹇卧微瀾鹵簿分頭擁西欄鳳翥龍驤亭子下嫩黃烟柳解春寒

# 鴈丸

豆滿之渚弋者獲一鴈剥之有小丸在皮肉間云而滑大如擗眼擲之錚然鐵也問諸故老有識者曰此小人國物也鴈過其地見其人易而狎焉中彈不死帶丸而飛此土人往往得之見其丸可以知其人爲其言誠荒唐

## 五國城得宋錢

五國城宋二帝所拘也今會寧府之南雞鎮是也在金國所都之東北千里云皇帝塚在行營西北二十五里花豐山大墳如丘陵傍有小塚百餘謂之侍臣



尹兵使光華亭會寧時夜  
見皇帝燄火光照耀急  
騎馬疾馳大聲以入則寂  
然無見得一古鐺有款  
識曰臣蔡京製今不知  
其宅之在何

塚田夫撥土往往得宋時錢耳溪得四枚曰皇宋通  
寶曰景德元寶曰元豐通寶曰元祐通寶世郭尚好  
如古五銖錢或篆或隸字畫皆可辨也余雖得肅慎  
古物而於宋迹未也

### 北關古蹟

龍堂在慶源府東四十里江邊有穆祖舊基基後峭  
峰突起峰頂有老松一株枝柯盤屈鱗甲奇古世傳  
聖祖手栽太祖與佟豆蘭較射時掛弓於此東林城  
內有大井太宗元年監司姜思德等之俗傳穆祖始  
居于此自此移幹東此是龍堂也東則厚春部落之

地也

舊德陵穆祖寢園舊安陵孝妃寢園初在幹東香角  
峰太祖四年移奉于慶興府泥淖中起小阜堪輿家  
謂之沒泥龜太祖十年又移奉咸興府

赤島在蘆立山海中十里翼祖陶穴遺址產異草名  
曰紫芝

幹東在府東北黑角峯下有村曰金塘穆祖舊居自  
龍堂移居于此

### 寧古塔

寧古塔在土門江北六百里甯甯有哈河北麓東瀕大



海西接烏喇南控土門北踰黑水土地曠遠山川環  
絡民俗勤儉長於騎射以獵為業地無市井清遠祖  
定三姓之亂肇於此國號滿州者也東有渾春康熙  
置佐領西南吉林置將軍副都統鄯城厚春野廣土  
沃人物輻湊一如遼瀋

交易時出來人數

寧古塔將差一人博氏一人烏喇次將一人八品通  
官二人甫古十七名商人六十名將差博氏次將三  
人家丁七十五名大通官副通官二人額内外家丁  
合三百九十六名將差馬十五匹博氏馬七匹次將

馬十匹兩通官馬七百四十三匹騾子九匹商人馬  
六百三十八匹騾子二匹狗二口車十五輛撥車六  
十八介出來而人馬之數每年或有加減云

### 白頭山

山在茂山府西三百六里古名不咸山中國人謂之  
長白東方人謂之白頭蓋山極高四時長冰雪故名  
晉書蕭慎氏在不咸山北金史世紀大定十二年封  
長白山神為興國靈應王即其山北建廟宇明昌間  
復冊為開天弘聖帝清一統志東自寧古塔西至奉  
天府諸山皆發脉於此山山巔有潭為鴨綠混同土



門三江之源金時廟毀本朝尊為長白山之神在城  
西南溫德恒山望祭大澤東有石獅色黃而尾鬣欲  
動中國人謂之望天吼云合黃土星兔洞拓開廣闊  
平原之中突起七星峰其下則平濶無際皆蒼髒之  
田也兵使峯前有鐵碑西出嶺上亦有鐵碑昔年分  
界時所建云山有乾溝溝南崑累累石塊或十武一  
堆或十二武一堆此謂定界標石

### 天島

天島在洪原海中余曾一見之月斧巧鑿現出空中  
一樓珠傾鮫室玉碎鯨濤舟行宛在虹橋之間人語

相應言石鼓之雷璀璨眩晃殆難名狀儘天工攸造也

### 渾河

渾河一名耶里江一統志稱挹婁故地江上舊有孝廟瀋郎時亭址

### 澄海樓玩月

樓在山河闕外臨渤海渺望也樓前有天開海岳四字昔沈斗室玩月於此余亦須夜者月傳為兩人能之樓上望碣石石有孔又望嗚呼島嶼如丸皆可辨

### 安市城更考

安市城在鳳凰山東三十里去柵門五里而近即唐



文皇帝征高麗兵敗處也乙巳余奉使適燕入柵門  
望見高山名曰翔龍山有石城遺址乃天設之金城  
也豁然開敞可容萬衆四面石壁成削高入雲際仰  
視如坐大甕中有高阜戴石突起頂平可張帷蓋古  
之將臺也

### 遼東觀日出

洪耳濤曰余東海人也觀日出者莫我若也涉遼野  
七百里到瀋陽路折而南晨起野行忽見紅日湧出  
地中廣輪之大視海上尤近始知觀日出者無定所  
海居者謂之出於海野居者謂之出於野山居者謂

之出於山唯隨人目而異其境耳余獨謂日者麗乎  
天何常有出入哉特以晝夜而有是名晝則行於地  
上夜則行於地下而已夫豈有入海之理古之為咸  
池扶桑之說者皆妄自中土之人皆在海內故疑其  
出於海也安能知麗天之日常出於地上耶然則前  
日之觀於海者非日出之所也今日之觀於地者乃  
日出之正也洪公此言儘達觀也余觀日出亦在於  
東海之上遼東之野而此論則未及有也恨不得一  
質於洪公之前也

遼東白塔



白塔八面十三層每層八面懸鈴鐸一百四鈴聲聞  
十里在寺門東

長興洞古蹟

仁廟辛巳光海卒于耽羅特命以王子加一等禮葬  
之就長興庫建祠令女塔朴澈遠奉祀舊庫傍近士  
夫家房屋多仍公廨之舊沈一松相公喜壽故宅亦  
在傍有一株松公之所以自號也今養硯山房即其  
地也挹翠軒朴公閭故宅亦有銀杏一本即公詩  
所謂風從木葉蕭蕭過酒許山妻淺淺斟者也林塘  
鄭相公惟吉兒時偷摘翠翁園櫻翠翁罰令製詩林

塘立應曰朴閭櫻桃欄熲紅翠翁恚曰小孩子敢爾  
林塘曰不有名民誰知為先生家櫻桃翠翁大奇之  
翠翁宅池中多得怪石傳為盆中物此宅後屬鄭尙  
書大容一日後夫告以銀甕鄭公居貧而毅然不顧  
飭埋故處是年公為嶺伯云往年盜發昇平金公塗  
畫像剔取金玉而棄諸坊內廢祠中居數日公之後  
孫尋跡之悲泣抱還余少也此事詳見於金捕將鎮  
家家在余居對門也

### 慶壽宴

萬曆乙巳四月晉興君姜公紳大夫人坡平尹氏八



十三歲同知李公邁夫人仁川蔡氏百二歲錦溪  
君朴公東亮夫人善山林氏七十五歲判書尹公  
暉夫人固城南氏八十歲叅判韓公浚謙夫人  
平山中氏七十歲驪興君閔公中男夫人全州李  
氏八十四歲叅知尹公壽民夫人潭陽趙氏八十  
二歲僉正趙公訥夫人金氏八十八歲同知洪公  
履祥夫人聞慶白氏七十八歲叅判南公以信大  
夫人居昌慎氏七十歲合十大夫人眉叟許相公穆  
圖帖序云大合宴上壽名曰慶壽宴白軒李公景奭  
序云十大夫人會於長興甲第

九世回甲

尹使君匡烈字士一自梧陰相公以下九世皆回甲  
蓋壽門也士大夫家累世相臣文衡大將在在有之  
而未聞以壽相傳也回甲以後之年皆天賜也天恩  
若是其浩大他何可希乎

會賢洞

鄭文翼公光弼會賢坊舊第即神人所告大銀杏樹  
下埋十二屏帶者也今為子孫世傳之居又姜豹庵  
尚書世晃紅葉樓傳為文翼公所築

南酒北餅



古者南酒北餅之譌南酒以產於長興會賢者為第一其釀色味迥絕一盞即醺既醒無渴可謂通國之名醞餅則以樓閣洞造為佳品

### 私家丹雘

壬辰兵燹前私室皆施丹雘故家承塵板以上藻績之迹宛然猶存又有斬柱添標之迹傳為倭兵喂馬處多見書籍往往有馬啼痕亦倭奴用以代棧立馬也

### 亭東竹西

南麓下好基址自古稱亭東竹西亭之東大家舍徐

文忠命善故宅有御書閣奉正廟御製詩朴判樞宗  
慶相繼居之今作尹都尉宮公廨則有糧餉廳其神  
堂奉闕帝像最靈竹西洪淵泉故宅最稱傑家其下  
有南藥泉舊宅藥泉即其處也亭之西有王子出閣  
宮今毀前居者鄭忠憲民始李巡撫堯憲其下開忠  
憲之弟元始占之後朴冢宰岐李時居焉徐鄭則以親  
查同時對居亭之稱起於徐朴兩公終於鄭李兩公  
朴公嘉順宮同胞也李公之夫人嘉順宮胞兄也昔  
李公永祿居是亭鄰翁夢見一馬滿載御賜花馳入  
圓井李說書宅公時在春坊家有圓井李公內外孫



科甲甚盛

報恩緞洞

洞卽今美洞報恩緞之變也洪諱純彥入中州遺惠於石尚書夫人受報恩緞世居美洞因以號之者而緞是美也故又變之為美洞今其孫尚居之京城洞名與松京同銅峴墨寺洞生民洞社稷洞安國洞等名有之至於尚政丞洞羅大將洞黃叅議橋孟監司峴琮琛橋等名皆是我朝坊曲之名而外他小小谷名時以變之

七松亭

亭在雙檜亭東只存古松幾株堪輿家謂之九鳳藏  
鼻穴望長安樓臺滿地蒸花柳紅綠模糊一氣中者  
古人詩也其傍即紅葉樓舊基

### 南石橋

橋在清州南門外巨石造成長可一箭地刻以漢宣  
帝五鳳元年是為橋梁之最舊

### 上黨山城

清州東二十里有上黨山城土亭李之盡辨東邦星  
土而稱其最高山不甚峻而最高云者以其地形之  
居高也



黔芝山

山頂有水其深不可測昔人失杵漂出放鶴亭云山  
上有水原自高深白頭山大澤水之高者黔之水可  
謂泰山之於邱垤也

多義峴

戶曹典書蔡先生名貴河麗季逸民也初入杜門洞  
有收隱贈荅詩後遜居平山多義峴以終撫其世鄉  
實在嶺南之大邱自蔡先祿慎徵而下至先生八世  
赫然載達句志有西山書院俎豆之監司鄭玉多義  
峴遺墟碑文有曰聖祖龍興同時罔僕之士環牧丹

山而居者三李牧隱之濯纓臺在其西申宗簿之排  
祿洞在其東先生之居在其中而名曰多義

### 溫祚王廟

仁祖丙子彼兵蟻附於蜂巖有溫祚王現夢之異建  
廟祀之正廟己亥幸行南漢登蜂巖教曰此處是虜  
兵陷沒處耶大臣徐命善奏仁廟夢異之事致祭溫  
王廟余見廟在行宮後隔岡于今二百年俎豆也

### 枕戈亭

亭在南漢山城陡絕處百濟古剎也得於荆棘中樑  
上畫龍最靈坐時吐雲霧重修時復采因以無靈余見



畫法果是神物而吐雲霧未可知也

李拜峴

李退溪觀京還鄉至峴拜京而去峴在京城東五十里廣州地自此首嶺路處也後人名其峴曰李拜峴後訛傳為李父峴

笠洞李忠靖舊宅

李忠靖周鎮夫人閔丹巖女也占居笠洞構第夫人出家圖內舍上房隔壁於街衢廚房窓櫺出其下夫人先聽行賈聲有新出者即使婢子呼之於厨上無不及者其善事君子如此公沒夫人下從余過其門

瞻其綽楔每歎夫人之賢舊說平壤妓常見巡使之  
厭於食甚恠之及上京見公之進食只設數器妓又  
恠之俄而僦人數十輩各持一器替而獻之公只一  
下飭退之果平壤之所不可及云

### 維揚祈雨壇

州之祈雨壇甚靈有人災之天旱故切禁民災五六  
年前有此事舉一州人共掘去余之所目覩也

### 望月亭

李孤隱先生智活當莊陵遜位時棄官入居昌之朴  
儒山杜門終老名其亭望月實寓望越之義嘗有詩



一絕自明其志其詩曰夜夜相思到夜深東來殘月  
西鄉心此時冤恨無人解孤倚山亭淚不禁後朝家  
褒贈亭今尚在後孫重新之按顯陵王妃改葬之地  
隔火王陵一岡葬後所遮之樹皆枯死思陵樹亦東  
指異矣

正陽寺藏經

大藏經全部藏於正陽寺樓中即開板時印出者也  
余曾一寓目而全部若搖動則有變云

蜻蛉國

李德懋日本紀蜻蛉古日本國名當周幽王時有挾

野者立國于和州晦傍山之東南樞原國號豐秋津  
洲日本人謂蜻蛉為秋津以其地形似之也漢光武  
時始通中國史稱倭奴亦稱野馬唐咸平中自謂居  
近日出更國號曰日本

### 羅天洞記異

楓石記異曰羅天洞在金陵有大墳問之土人曰此  
高麗侍郎蘓公之墓往年邑人姜奎喪其母將葬於  
是夜夢一貴人朝衣冠肩輿入室呼奎跪之庭叱曰  
鄉野小人敢擅毀貴人墓罪當死命杖之既寤瘡甚  
疥作家人大懼止之奎曰塚中枯骨何能為遂葬之



十日而死自是樵牧不入焉

### 文星洞

洞在始興縣姜太師書院即霞山之東也有落星堡  
北史稱太師文曲星精也竹石在桂陽山與霞山近  
其牛陂詩曰欄尾暎蔚叢翠內行人騎牛稍度沙

### 方斛泉

伊川府衙之南山下有泉名曰方斛稱為邑中第一  
泉中紫霞改名葫蘆泉余曾以石鉞烹龍脊茶甚冽  
不能忘

### 娑羅樹碑

趙子昂常言唐人之書自歐陽率更始作間架尚筋骨至顏柳而嚴緊勁悍一變永和風韻惟李北海不失晉人之軌當為書家正宗按娑羅樹碑迢逸踈宕極有大令之風始信子昂之論為不易而吳興書門路之正蓋有所自矣杜工部哀北海詩云風流散金石追琢山岳銳其文章筆翰見重於當世如此東人筆得北海法者惟洪自溪華士戴衢亨之言也洪公書遍在八路名勝成都臨仙樓題海東第一樓觀六字最豪健也

僧伽寺碑考



北漢南有僧伽寺其上峯曰碑峯一柱兀然如人立  
俗傳麗僧道詵碑今沒字云歲丙子雲石趙公與秋  
史共尋碑有殘字實真興王碑也遂命工搨之細加  
審定除全缺不可強解點畫可辨確然無疑者凡九  
十有二字如真興王三字巡狩二字南川二字皆實  
事可證而與史文經緯者也按三國史真興王十六  
年王巡幸北漢山州拓定封疆二十九年廢北漢山  
州置南川州碑蓋紀其蹟也碑文有真興二字而據  
智證王本紀新羅謚法始此智證之後歷法興至真  
興則真興時不應預稱其謚似真興後所立據真平

王二十六年廢南川州還置北漢山州而碑文有南  
川二字則又似南川廢州之前也真興王元年在梁  
武帝大同六年真平王元年在陳宣帝大建十一年  
則要之梁陳間刻者又按咸興府之草芳嶺有真興  
王北巡碑今佚但拓本在耳

### 朝宗碑

加平朝宗面有萬折必東之義九庵宋公初欲設萬  
東廟後得華陽洞於華谷李公遂棄朝宗基後趙公  
鎮寬樹碑川上石壁刻再造藩邦四字神宗皇帝御  
筆也



古竹洞

春川昭陽亭後鳳儀山幽險處有竹曰竹洞少年輩  
僅至山半僧舍而不能造竹所孤山臺一名浮來峯  
在大野中白沙先生戲贈諸少年詩云晚計昭陽下  
同君老一竿勿憂生事薄自有浮來山者而皆裕元  
足跡之所到也

自礪身塚

春川邑治之十里牛頭山有一古塚居人指為清祖  
塚掘之但有正黃土人畏之更封尋一夜間墳形宛  
如舊日自後牛馬踏之其缺損處復依舊名之為自

從身山余登昭陽亭望見其基址晃耀人眼其大地無  
疑矣

席破嶺

嶺在春川初境嘉靖戊子牛頭寺僧智熙開鑿嶺道  
牛頭野古有彭吳通道碑

壽春樂府

鳳尾春鶯即春相趙公載浩樂府中物也及健李相  
公向紫霞言老夫曾蒞壽春能及二妓時春孌老去  
猶有風情每夜昭陽亭聽歌以月落為準此事至今  
猶依依在心今公今行殊無此一隊佳緣



聞韶閣詩牌

聞韶閣有文烈公朴定齋癸亥仲夏詩牌距公已已  
禍變僅隔六年矣後十二年乙亥夏吳觀察道一十  
五年丁丑初秋俞觀察得一二十九年辛卯孟夏李  
觀察崇四十三年乙卯仲夏吳學士彥曹九十三年  
乙未暮春鄭侯趾煥一百二十一年癸亥秋朴亞使  
宗正相繼和韻又一百三十六年申知府緯至為上  
下百有餘年間倚和者輩七人而又一百八十三年  
余棄官到江上步尋題牌依其韻製之敬追故事也

三如塔

草衣大范僧為其師玩市大師建三如塔乞銘詩於  
海居都尉乞序文於紫霞幣寶林茶序曰星來而來  
真去而去此生與死之二夢也主盟叢林講華嚴者  
一十九年莊嚴金碧雕玉像者一千有三此二夢中  
間空花事業也大師示寂後見門人之夢曰過去如  
現在如未來亦復如門人遂以三如為師謚書其塔  
曰三如之塔余於壬申上元在四時香館與古鏡禪  
啜寶林茶話及草衣錄塔銘序相視草衣最有契於  
朴錦艸寶林茶產康津竹田為東國第一品

天摩山龍



太祖定健元陵全局望見天磨山稱之無學曰此朝廷布列勢也後凡大族之先必藏于此即妙寂山下八明堂也雖孱山短麓舉皆入彀旦百餘里至于平邱江上千枝萬葉不計其數

### 御臨松

朴貞生舊居在景慕宮牆南有一盤松屈曲蟠架鬱鬱森林正廟嘗臨賞愛之朴家誤傷其一枝至有罪其子之命世以謂御臨松庚申後屢易主斫而炊之余少也猶為可觀近見作虎頭古查幸未及枯死

### 涓城雜記

高麗鄭司諫西京絕句曰綠窓朱戶笙歌咽盡是梨  
園弟子家綠波記云楚嬀年甫十一赴少尹召新雨  
泥淖<sup>也</sup>鞵穿脚苦站立路傍一小童過而見之為脫  
青絲鞵自跣足而去楚嬀暮還封絲鞵藏之曰吾以  
處子身受人物有閑女行異日結絲其在是乎小童  
名性不年九歲云洪山柱別字萬丈其六香詞傷春  
歌江潮別曲斷腸諸作播在渠上又有詩曰出門悄  
延佇雲外斷鴻聲如何曾別處人去更留情練光亭  
扁額世所稱朱書本吳雲壁北固山所刻天下第一  
山字之翻摹也華使登舟循覽以為法也遂去天下



字但留第一山三字後尹白下尚書補舊江守合刻  
為第一江山四字扁令揭亭上

十三世植植

嶺南崔姓人植植為業有缺則必補植之十三世六  
改植共三十株不為買賣以供遺囑云

三世南草樹

長水縣李姓人家植南草經冬經夏一樹不枯傳三  
世六十年摘葉吸之毒而無味云

東京水晶

慶州南山石稱為天下第一攻之不已今無餘存取

江陵石代用作為烟鏡余見南山石真品非但遠近  
視亦無着明之象去之猶留爽氣此可謂養目也

### 楮產

東國產楮甲於海內湖南為最完山其品樸而滑淳  
昌其品精而懦南平其品梗而闇南原其品色白如  
雪滑如凝脂此為天下第一奇品因水性而然也嶺  
南麓重色駁只合謹戶近見西洋紙比南原不可同  
日而語此以東紙渾唐紙而成之堅取於東所取於  
唐其弊潛賣東楮故也余見中州貢紙若金無片楮  
之遺地而東人則用之如葉土其產之博可知也



黑櫻桃

關東產黑櫻桃黑覆盆子其味甚甜鄭經山為東伯  
未辭先王考王考酬酢間勸必得嘗之後經山歸謁  
曰黑覆盆果得嘗而黑櫻桃終不可得余兒時侍傍  
聞之後游湖南得見黑覆盆而櫻桃此亦不可見

金光草

廣州南門外細村面金光里金氏田產煙茶稱為國  
中殊品面內所產統稱為金光草今則一境所產皆  
借其名湖南之上官草與金光名等上官面所出皆  
謂之真品本面在全州任實之間山峽五十里可藏

兵馬故名曰萬馬洞洞中之田俱是種草為業鎮安亦產草即其餘派也嶺南稱新寧草有似上官而有毒水原之紅草似金光而不及之大抵西勝於南成川草田亘連江東三登之境謂之成川草皆資於江登而細剉出色成川其尤也

### 採銅

甲山有銅山自唐宋間採銅於此上下累百年人命之傷與銅時等有唐穴令廢古者用木為釘往往有得其釘者純祖朝禁其採豈溪朴公為北伯時有弛禁之論都下謠曰曙監司曙之為言開東東與銅同



音開卽開礦之義甚言之也公下車巡部至銅處遍  
審形勢知國都主脉所係疏請嚴防羣盜始釋

### 內藏柿

井邑內藏寺產柿小如栗食之無味惟乾而浸水極  
佳豐基恩豐面乾柿品甲於國中彼人云糖屬之所  
無以此推之雖謂之甲於天下可也成徒皮赤栗小  
如橡實春而叢生秋而結實乾之善餅甲名曰岐栗  
智異山有山栗秋來自落填流于溪民爭取之爲糧  
不知所由於何處山深不得到故也中州柿有六稜  
不甜栗與成徒近風土有同有不同

秋海棠

昔有婦人懷人不見恒灑淚於北牆之下後灑處生  
草其花甚媚名曰斷腸花載採蘭雜志今之秋海棠  
是也

紅苙

申紫霞園中種紅苙有兩大叢星原所贈也羣芳譜  
所載梅雨時開花結實枝頭如珊瑚苙紅嬌可愛此  
與王右丞詩紅苙生南國之紅苙不同也李濤雙仁  
默得一枚於翁星原視余大於白扁苙鮮紅可愛謂  
之紅苙相思者也風土記八月雨曰苙花雨



月沙梅

月沙李公自中州移來單葉紅梅種之廟前此種遍滿國中廟樹已枯人見單葉紅梅輒曰月沙梅

並蒂桃

栢陰尺牘曰三尺童子携魚而來巨口細鱗松江之鱸耶鱠縷如雪飄飄氣欲仙也仙桃四枚並蒂者非為報也聊以表意

先賢愛柿

柿之為七絕已見於書籍而余移種柿二樹南產也結實累累一夜風雨盡落分之族黨時見瓦庵宋文

正公集有荅人贈柿書曰此物遠到非但今之兒曹  
乃翁開箱狀食但願夜夜風雨多先賢亦愛柿也

### 蘭草

我國之稱蘭草者皆以為馬蘭第以花譜考之非馬  
蘭即簕蘭也馬蘭本草云一名紫菊其葉似蘭而大  
其花似菊而紫簕蘭花譜云花紫形似蘭而無香四  
月間產海崑陰谷中此豈非我國所謂蘭草者乎

### 秋牡丹

羣芳譜秋牡丹草木葉似牡丹差小花似菊黃心秋  
色寂寥植數枝足壯秋容即俗所謂唐菊也



高僧梅

靖陵齋室庭松檜叢青之中有梅花樹玉葉繁然卽  
西山大師休靜所手植也丁丑春人皆見之未知五  
十年間榮枯也

白茶花

感通寺在點蒼山之麓楊升庵寓寺小閣題曰寫韻  
樓四壁皆升庵墨妙明末滇詩人唐大來雜染髭擔  
當和尚亦寓此樓壽九十餘樓前白茶花高數十丈  
大數十圍花如玉苞心殷紅滇南只此一樹見陳鼎  
滇黔紀游燕市往往白茶者未知此種否也

# 白牡丹

此花至貴余曾見於李汝諧宅移來一窠春旱枯死  
又得一本於坡山宋玉壺莊上培護若海中珠樹昔  
養研老人飲水橋友人密縫家僮於垣規取白牡丹  
來此亦故實也

## 青海牡丹

青海牡丹傳以為良岳遺種出自五國城節度園池  
環種無慮數百本皆盈握之老幹也花品亦佳昔白  
沙先生於三樂齋節度使送菊花種之青海之多花  
種自古然矣曾見齋前亦有牡丹想是良岳之種也



# 針魚

每三四月之交小魚長一寸許狹如柳葉綠金色口有針幾身之半夜出游水上日暮則江村人乘小艇松肪點火圍竹結網而撈取之俗名孔之余命之曰針魚

# 斗湖鰐魚

孝如松過斗尾見小魚出游驚曰此是鰐魚也三百年後此魚當為人患而有制之者也于今無所見傳之似訛也

# 樂浪七魚

許叔重說文解魚名云出樂浪番國者七世所傳樂浪七魚是也然舉而叩人莫能言其形名樂浪之人而不識樂浪之魚將孰從而問之哉今攷小學本草諸家參互校勘于土產方言則約略可辨者五而其二終不可知也一曰魛集韻云魛與鯿同今之吹沙小魚非也玉篇云魛鯿也以其皮有沙珠可以飾兒故有鯿之名二曰鯿正字通云即妾魚其行以三為率一前二後如婢妾然集韻云鯿或作鯿有雅曰東方有比目之魚其名曰鯿三曰魛一名江豚天欲風則見郭注所謂鼻在額上能作聲者合脊有兩乳牝



牡類人令我東西海有一魚海人呼為水郁魚形如  
大鰭色黑揚赤鼻在頂上有聲赫赫雌者有子如鰾  
常附世腦腹而行蓋江豚海豚一類二種也四曰鯨  
與鮭同論衡所謂鮭肝殺人蓋河豚有毒古人鮮以  
登俎至宋始有可敵一死之語而梅聖俞家老婢以  
善烹河豚名亦一時習尚也五曰鰐郭璞曰鰐魚有  
文彩楚辭註狀如犂牛今海中沙魚中背有班文曰  
虎鯢背有珠文曰鹿鯢其皮皆可飾毼服六曰鰐七  
曰鱣二者詭文不言其形色攷之六書音韻本草諸  
家並無舉似其名者與其真模稜定終不免捫燭扣

縣之譏母寧存疑闕殆以不知為知也恩津縣有魚  
味若牛肉余在湖南屢得而食之宜補七魚之缺也

### 湖南四種

康津普林寺竹田茶丁洌水若鑛得之教寺僧以九  
蒸九曝之法其品不下普洱茶而穀雨前所採尤貴  
謂之以雨前茶可也海南等地有桂槿實取油凝而  
鑄燭不下膩燭治婦女乳腫亦丁洌水法也濟州產  
水仙花秋史始知之取長如法不下江南種而本土  
有五色花渡海色變又取黃茶遜於燕種而頗近可

### 瑞麥圖



道光丙申四月魯之段店領黃茂才元秀數畝田生  
瑞麥獲歧至五歧史冊所罕見也魯山令鄭鑒為之  
圖余得其刻本

鼓子花

鼓子花一名纏枝牡丹自春至秋開花相續野謳有  
山花兒娘之語即此花也

永嘉梅

永嘉梅花屋曰十梅二桐軒十梅之半皆紅梅百年  
古物也在歸來亭臨清閣傍

農書蠶種詩

前朝繭如山令朝叩如粟如山令歲謀如粟來歲足  
又云回看籠也豈筌蹄依舊人間炊餅食籠即蒸繭  
器也

### 葵葉箋

柳樹軒秘書名得葵倣古製葵箋有詩記其事紙渠  
既淡綠而古詩思又和易而雅竊念始製者其有取  
於野人傾葵之義乎

### 葵花燭

葵鄉之佳者稱青定即青陽定山也臘燭則出錦城  
清州者青心最上舊稱葵花燭燭一枝可達冬之永



夜猶有餘馭余兒時陪先王考錦城任所詳知燭之  
奇品而近日則不然夏夜燃二三枝豈法不古也用  
濶故品隨而劣至若青定菸不及湖南之產也

### 水仙花

三餘帖女星散為配玄配玄即今水仙花也瓶史水  
仙神骨清絕纖女之梁玉清也一種千葉謂真水仙  
單葉名水仙千葉乃玉玲瓏余癖此花顏所居曰種  
水仙三百本舫取開門一笑大江橫之意也李荷居  
帶室窗提與妓接話一世驚恠雲石聞之見李公曰公  
七十始知愛妓當以花賀之送水仙一盆水仙之為

女精果有以也水仙產於江南在昔壬申紫霞使燕  
冬回携來之北為東來之始也于今六十年東來不  
絕甲午後燕貨禁條花亦入其中數年不出後漸弛  
其禁咸豐時南匪之後皇城又絕種尚今買賣不數

### 甘藷

甘藷在果蔬中最後出可以調饌可以延年又可以  
禦蝗而弭旱始自閩廣始遍天下獨我東近始購種  
於日本沿海若而邑僅得傳種而峽野之民不識藷  
為何物純祖甲午徐楓石巡按湖南亟訪藷種頒諸  
列邑且取望明徐玄扈甘藷疏我人姜金二氏之譜



彙類編纂擺印廣布以詒其種藝之法為余得食徐  
公之煮為饌甚佳取其法

### 歲寒三友

元次山丐論云古人鄉無君子則與山水為友東坡  
詩風泉兩部樂松竹三益友余所居鄉里無好山水  
無好松竹又無好琴酒其安所從君子友乎

### 本草

醫家本草歷代所增各自為書今合而為一非古本  
也原書始於後漢別錄者魏晉以來吳普華唐之所  
記于志寧李勣等修本草並圖合五十四篇謂宏景

以神農經及諸家別錄注之江南編方不能周知藥  
石其謬誤至四百餘種遂考正之又增後世所用百  
餘物陳藏器所著則又名本草拾遺明李時珍又著  
本草綱目益詳脩矣按時珍傳醫家本草自神農所  
傳止三百六十五種陶宏景所增亦如之唐蘇恭增  
一百一十四種宋劉翰增一百二十種至掌禹錫唐  
慎微輩先後增補合一千五百五十八種至時珍又  
增三百七十四種本草之普濟蒼生其功無量余於  
書籍所出者叅攷錄之




或謂西瓜自元世祖時入中國然元初浙之淳安人  
方巖已有詩云縷縷花彩粘唾碧痕痕丹血榴膚紅  
是時浙中已有之則非元初入中國可知也宋末方  
回詩西瓜足解渴割裂衣青瑤膚又有文信國詩拔出  
金佩刀斫破蒼玉瓶則其來久矣胡嶠陷虜記云嶠  
於回紇得瓜種結實大如斗名曰西瓜則西瓜由嶠  
入中國也今西瓜已遍天下而臺灣則並種於秋至  
十月採取貢入京以脩臘月廟祭之用臺灣在閩海  
東則又可稱東瓜矣東國則畿之石山湖之無等山  
涖之綾羅島產最佳其核黑

啖柿異規

駱西鄭公一日謁桐漁李公公與之共啖水柿鄭公  
剖而啖之見李公帶皮而食甚愧之恒言是事曰李  
公之啖取其純味也吾則有若視人以奢是以愧之  
余常以兩公事惑之夫食者性也有剖而食者有皮  
而食者剖而非恠皮亦非愧也晏平仲君前食橘不  
去其皮敬之也而令李公對人啖柿與其敬有異則  
不從衆而從吾所好似或其性也






啖柿異說

駱西鄭公一日偶稱漁季公公與之共啖水柿然公  
剖而啖之見季公啖皮而食其肉公曰此是事曰季  
公之味取其純味也吾則有若視之以食是以視之  
余常以兩公事觀之夫食者性也有剖而食者有皮  
而食者剖而非性皮亦非性也蓋季公仲若輩今人不  
去其皮啖之也而今季公對人啖柿與其故有異則  
不徒食而徒看所好似或異性也











林下筆記

宋